

Aruba tin un plan nobo di desaroyo teritorial

ORANJESTAD – Aruba oficialmente tin un Plan di Desaroyo Teritorial / ROP vigente pa añanan 2019-2029. Ayera despues di Gobernador, Minister Otmar Oduber a firma e ley Plan di Desaroyo Teritorial / ROP.



Segun e comunicado cu Bon Dia a ricibi, e proceso ta uno cu a duna hopi publicidad cu colaboracion di expertonan di Advies Bureau RHO, a reuni cu hopi stakeholders na diferente ocasion, NGOs, diferente consulta cu comunidad y consejo di diferente comision entre otro.

Minister Oduber a splica cu durante e 10 añanan anterior, a pesar cu tabatin un ROP, no a percura pa comunidad haya e informacion debido y educacion di kico por y kico no por den e ROP. Contrario na esaki, pa ROP 2019 Gobierno a cana e caminda di conscientisacion den comunidad den forma extenso! Por mira esaki refleha bek den e cantidad di riba 130 zien-swijze cu a wordo entrega. Compara cu rond di 10 cu a wordo entrega pa ROP 2009. Algo cu por observa tambe ta cu anteriormente no a pone accento debido na e respet cu mester tin pa ROP. Hopi bi-aha esaki tabatin di haber cu no tabata consciente di locual e ROP ta encera, y a hinca e propio ciudadano y departamentonan di Gobierno den problema.

Esaki ta un gran noticia pasobra despues di mas di 10 año Aruba lo tin un plan di desaroyo teritorial cual ta bay dicta nos futuro den forma di crea balansa entre desaroyo infra-estructural y salvaguardia nos naturalesa y medio ambiente.

